

**MESYUARAT PERTAMA PENGGAL PERTAMA
DEWAN UNDANGAN NEGERI PULAU PINANG
YANG KEEMPAT BELAS
02 OGOS 2018**

PERKARA : 4(B)(XXV)4

**SOALAN BERTULIS OLEH AHLI KAWASAN PERMATANG PASIR
YB. MUHAMMAD FAIZ BIN FADZIL**

4. Berapakah perbelanjaan yang telah dikeluarkan untuk projek tebatan banjir di DUN Permatang Pasir bagi tempoh sejak 2015 sehingga 2017?
- (a) Nyatakan perancangan tebatan banjir secara menyeluruh di DUN Permatang Pasir?

YB. ZAIRIL KHIR JOHARI

MENJAWAB BAGI PIHAK Y.A.B. KETUA MENTERI

4. Jumlah perbelanjaan yang telah dikeluarkan untuk projek tebatan banjir di DUN Permatang Pasir bagi tempoh sejak 2015 sehingga 2017 adalah sebanyak RM749,737.60. Perincian perbelanjaan tersebut adalah seperti di **Lampiran A**.
- (a) Bagi perancangan tebatan banjir di DUN Permatang Pasir, pihak Jabatan Pengairan dan Saliran (JPS) telah menjalankan kajian keseluruhan pelan induk saliran (*drainage master plan*) bagi mengatasi masalah banjir di kawasan *hotspot* banjir di daerah Seberang Perai Tengah (SPT) termasuk untuk kawasan DUN Permatang Pasir dan kerja pembinaan projek yang terlibat dilaksanakan mengikut keutamaan. Pada masa kini, pihak JPS sedang menjalankan Projek Tebatan Banjir Sungai Permatang Rawa, Kampung Tanah Liat, Taman Guru, Padang Lalang dan Kg Permatang Rawa Daerah Seberang Perai Tengah, Pulau Pinang yang dijangka siap pada 15 September 2018.

Kos bagi Projek Tebatan Banjir Sungai Permatang Rawa berjumlah RM28,600,000.00 di Lembangan Sungai Juru. Manakala skop

kerja projek ini ialah pembinaan dua jambatan, *improvement* sungai sedalam 1720 meter, pembinaan *outfall structure*, penyelenggaraan jalan dan pembinaan *debris chamber*.